

չու՞մ չէին հետեւում պարսիկներին, բացի մէկ բանից, որ իրենց կանանց խստորէն փակուած էին պահում տանը: Ընդհակառակը, Ախալցըր-խայի շրջանում (Ախալքալաքը հետը) տաճիկները հայ ժողովրդի կենցաղի վրայ իրենց խոր դրոշմն էին դրել: Ամէն ոք, մինչեւ իսկ երեխաները, տաճիկական տարազ ունէին, այնպէս որ շուկայում եւ փողոցում կարելի չէր քրիստոնեային զանազանել մահմեդականից: Միւս կողմից, սակայն, Ախալցխայի հայուհիները տղամարդկանցից այնպէս դատուած կեանք չէին վարում, ինչպէս նրանց քոյրերը՝ Երեւանում: Ախալքալաքում իմ անցկացրած մի քանի օրուան ընթացքում ես առիթ ունեցայ քսանից աւելի հայուհիներ տեսնելու՝ առանց քոյի: Նրանք մեծ մասով զեղեցկազէմ էին եւ բարեկազմ»:

Քանի որ խօսք եղաւ հայ կնոջ մասին, յիշատակենք նաեւ հետեւեալ փաստը Բողենշտէզտի դիտողութիւններից:

Հայ կնոջ փակուած, տղամարդկանցից հեռու կեանքը արձանագրելով, Բ. ասում է, որ այդ սովորութիւնը այնչափ արմատացած է եղել ժամանակի հայերի մէջ, անգամ տարիքաւոր կանանց վերաբերմամբ, որ Աքովեանի նման լուսամիտ ու կրթուած, եւրոպականացած մարդը չի դիջիր իր գոնէ մօրը ծանօթացնել օտարական ճամբորդների հետ» («Յուշեր», Ա. 296):

Այս յիշատակութիւնը մի կողմնակի փաստ է, ի միջի այլոց, որ Բողենշտէզտ Քանաքեռ եւս այցելած պէտք է լինի, թէեւ նրա աշխատութիւնների մէջ ոեւէ ուղղակի ցուցմունք չենք գտնում այդ մասին: Գուցէ այդ տեղի է ունեցել Երեւանից Թիֆլիս վերադարձի միջոցին:

* * *

Իր «Կովկասի Ժողովուրդները» հատորի մէջ Բողենշտէզտ մի առանձին հատուած է նրուրել հայերին, «Հայ Յեղը» վերնագրով: Այդտեղ նա խօսք է անում ինչպէս հայ ցեղի, այնպէս եւ հայ աշխարհի մասին: Բոլոր ճամբորդների նման Բողենշտէզտ եւս մատնանիչ է անում հայ ժողովրդի ցրուածութեան փաստը, որ եւ բացատրում է նրա պատմական ճակատագրով:

«Ինչպէս որ Իսրայէլի որդիները՝ ճակա-

տագրից հալածուած՝ ցրուեցին աշխարհիս բոլոր ժողովուրդների մէջ — ասում է նա — ինչպէս որ նրանք օտար հողի վրայ ապրելով տեղացի դարձան, մինչ սեփական հայրենիքը օտար մնաց նրանց համար այն պատճառով, որ ուրացան Յիսուսին, նոյն անէծքը ծանրացաւ հայերի վրայ եւս, բայց այն պատճառով, որ նրանք պաշտեցին Յիսուսին ու հաւատարիմ մնացին նրան»:

Որչափ եւ չափազանցութիւն կայ վերը տողերի մէջ, որչափ եւ, բարբախտաբար, փոքր չափով է միայն իրականութեան համապատասխանում հայ-հրեական զուգակշիռը, քանի որ ինչպէս այսօր, այնպէս եւ այն ժամանակները հայութեան հոծ հատուածը իր հայրենի հողին է կառչած, բայց եւ այնպէս անուշադրութեան մատնելու չէ նման դիտողութիւնները:

Հայերը — ասում է Բողենշտէզտ — տարածուել են ցարերի պետութեան բոլոր մասերում: Մի քանի նահանգներում, ինչպէս օրինակ Կովկասում, նրանք իրենց ձեռքում են կենտրոնացրել առեւտուրը: Այսպէս, Պետերբուրգի եւ Մոսկուայի շուկաներում, ինչպէս նաեւ Նիժնի-Նովոքոբոտի տօնավաճառում կարելի է միշտ էլ տեսնել հայ վաճառականների ամբողջական քարվաններ՝ եկած Հաչտաբխանից, Արմիից, Ալլաբաից, Մոզապից, Գերբենտից, Թիֆլիսից: Թէպէտեւ նրանք ընդհանուր առումով իրենց նախահայրերի հաւատը, սովորոյթները եւ տարազը սրբութեամբ են պահպանում, բայց եւ այնպէս այդ պարագան չէ խանգարում, որ ժամանակի ընթացքում, յարաբերութեան մէջ լինելով օտար ժողովուրդների հետ, շատ բաներ փոխ առնեն սրանցից ու սեփականը, ազգայինը, կորցնեն՝ աւելի կամ պակաս չափով: Ամենից շատ այդ բանը դիտել կարելի է Պետերբուրգում, Մոսկուայում, Թիֆլիսում եւ Հաչտաբխանում, ուր հարուստ ընտանիքներից շատերը բոլորովին ուսուսական կեանքով են ապրում: Հետեւելով արդիական մոսկուացիներին, նրանք իրենց ազգային ճաշակաւոր տարազը զոհ են բերել Քրանսիական խաթարուած տարազին:

Դարերով պարսիկների եւ տաճիկների ստրկացնող լծի տակ ապրելու հետեւանքով է, որ հայը զուրկ է մնացել ռազմական ոգուց: